



月泉吟社

送詩賞小劄目錄

與羅公福

與司馬澄翁

與高宇

與仙村人

山南埜逸

與子進

與栗里

與倪梓

與全泉翁

與呂澹齋

與方賞

與鄧草廷

與魏子大

與喻似之

與躡雲

與玉華吟客

與田起東

與唐楚友

與識字畊夫

與學古翁

與杜翁

與騎牛翁

與天目山人

與安定書隱

與槐窗居士

與姜仲澤

與陳柔著

與方尚老

與朱孟翁

愛雲仙友

回送詩賞劄目錄

羅公福

司馬澄翁

高字

山南楚逸

子進

栗里

倪梓

全泉翁

呂澹翁

方賞

喻似之

躡雲

玉華吟客

唐楚友

鄧草廷

識字畊夫

學古翁

杜翁

騎牛翁

天目山人

安定書隱

槐窓居士

姜仲澤

陳柔著

方尚老

朱孟翁

愛雲仙友

月泉吟社

月泉吟社

送詩賞小劄

月泉社吳清翁盟詩預于丙戌小春望日以春
 日田園雜興為題至丁亥正月望日收卷月終
 結局收二千七百三十五卷選中二百八十名
 三月三日揭榜

第一名公服羅一縑七丈筆五貼墨五笏

第二名公服羅一縑六丈筆四貼墨四笏

第三名公服羅一縑五丈筆三貼墨三笏

第四名止第十名各春衫羅一縑筆二貼墨
二笏

第十一名止二十名各深衣布一縑筆一貼
墨一笏

第二十一名止三十名各深衣布一縑筆一
貼

第三十一名止五十名各筆一貼墨一笏吟
箋二沓

以上所送並就縑端筆貼墨銘用月泉詩

賞潛齋記號通榜仍各送本社新詩一冊

羅公福

伏以月泉舊社久盟湖海之交春日新題賸寫田
園之興得周南而正始可冀北之空羣執事振響
武林舒翹文苑種秧澆藥已朝市之無心放犢聽
鶯更池塘之入夢杼機自別冠冕為宜其心所甚
欣手之不釋詩成奪錦誦珠玉者翕然禮以為羅
愧瓊瑤則多矣餘如玄穎并致篚筐

司馬澄翁

執事清涵繡湖香並班史菜花天秧穀候偶迎着
面之風野泉甕煙壑犁總是關心之事雖居蕭次
猶占盧前

高宇

伏以交連湖海夙聞詩錦之名題借田園尚媿禮
羅之意有來匡鼎豈遜盧前執事文陣稱雄武林
擢秀四時春始成石湖老去之吟三徑人閒得鼓
澤歸來之趣襟期樂只囊穎宜哉某得是高吟從
而深刻問巢父之珊瑚安在此則長留縱衛人之

瓊玖可將終焉匪報

山村人

山南野逸

月泉里社夙徼繡水之齊盟春日田園誰繼石湖
之雜興新篇吟就舊夢喚醒執事嘉遜山南大觀
物表追前哲而尚友不肯同今雨之交呼市人如
使兒可但拾春風之句能多益善實罕其儔某見
之心降傳者腕脫自非三昧難誇得奪錦之華欲
効七襄終愧禮為羅之厚

子進

執事皇著分陽選高無氏牢籠物態成天機埜色
之聯玩弄韶華得膏雨光風之句塵外之柴荆自
適山中之薇蕨尤香

栗里

執事秀氣桐簷高情栗里想建業當年之飛馬深
羨勇歸聽吳淞今日之啼鶻益增永嘅試提一律
幾暨同盟

倪梓

田園襍興偶徼舊社之同盟湖海俊游為賦長城
之五字云執事假富春山為通德里耕織圖村
田樂放開塵外之懷社翁昨賢媿媿符道盡眼前之
景以俗為雅此詩可羣

全泉翁

執事東晉衣冠西幽風俗閑庭芳草倦遊甘隱于
白雲綠水新秧歸牧穩眠于斜日卓爾有立異乎
所聞

呂澹齋

月泉里社分來隣燭之光春日田園攪動奚囊之
興翩其寄驛幸甚盟鷗執事駿極峴峯淵源麗澤
洛中富貴斜陽追恨于繁華縣上勦勞終古慨思
于羈縻寓吟不盡覃思何深某飽觀瑰奇祇覺雋
永云云

方賞

執事望聳東安羣稱冀北晴畦自遠鶻聲漫寄于
閑愁春色雖偏牛背獨誇于老健細觀妙格知出
清芬其一諷一吟起敬起慕珠投甚寵愧無玉案

編之酬紵獻雖微尚篤緇衣之好餘遵元式併奉新

鄧草廷

執事鄧林秀出吳會倦遊夢廷蠶窗安分斷花場
之夢草坪畬水踏歌成社下之腔意境俱融辭翰
具美某手之不釋心則為降金玉其相豈勝集珍
之喜紵締厥篚第難贈繡之酬餘若玄穎并登几
格

魏子大

湖海俊遊九友自聯于芳社田園雜興五言難敵
于長城壯哉齊盟燁然遠耀執事居吳都會得魏
大名吟自在詩無脂粉氣遇芳菲景適農圃情先
生高哉弟子服矣某識韓雖未說項良勤縱欲酬
金難答惜之韻敢因獻亭先陳戀之情

喻似之

執事如合浦珠為汾陽望將蕪已賦頗思舒嘯于
東臯采蕨無從且欲饑眠於西華若栽秫種桃之
句與怒蛙巢燕之聯允矣清新加之蒼勁某咀華

不厭刻禕以傳縱有瓊琚莫報投桃之意可無筐
篚以昭獻亭之誠

躡雲

月泉壤地密依鄰燭之光春日田園賸喜奚囊之
興翮其傑製壯我齊盟執事絲瀨清風爐峰瑞氣
土脉融杯陰合按吟不赦于韶華社公醉蠶妾愁
敗意直憂于秋雨誠為蒼勁可但清新

玉華吟客

執事云某快覩吟篇恍陪遊屐式如金玉庸起

敬于席珍篚厥紵絺第難酬于囊錦

田起東

執事琨玉無瑕壺水徹底詩材抉剔麴蘗泥牛物
態牢籠田烏桑扈總是清新之句足覘灑落之懷
某識韓雖賒說項不置贈我以繡段所愧報瓊好
賢如緇衣敢忘獻苧餘如頴輩并致籤房

唐楚友

田園春月偶爾分題湖海名流翮其入社長城自
屹前敵無勅執事塵厭軟紅節存清白其楚波之

及于晉有堯風而謂之唐襟興悠然社材耕事一
聯佳甚柳處蛙時意復寓于陰晴誰敢言其非是
識字耕夫

農圃餘生結同盟之吟友湖山佳處有識字之耕
夫所謂伊人夫豈卑我執事語無排異體不効崑
野鷺山鷺動金谷當年之感婦蠶夫秫逼石湖春
日之吟和易可形清奇可愛云云

學古翁

執事秀毓蒼泐奧探眇忽謂衆作追隨世好非愚

則諛而八詩模寫農時以俗為雅一齋固知於鼎
味十筵猶咽於鐘音某云無青玉案徒慙玖珮
之貽有古錦囊應笑紵衣之獻

社翁

執事氣孕蒼泱學宗葩正以俗為雅一年先百事
之書因險出奇八句盡三春之景真成巧中奚取
多為云式如金玉庸起敬于席珍貢厥紵絺亦
難酬於段繡束毫不腆鏤本云初奉以敷陳尚推
鑒在

騎牛翁

伏以月泉舊社久依文字之輝春日新題游寫田
園之興如五雜組敵雙南金執事刺手鯨牙射沓
牛背覺東風之吹夢寧不委心對夕暉而忘言還
有真意埽空俗韻增重齊盟某披吟以還起敬無
斲觚不觚而堪歎乃令識良梓之斧斤布不布則
已微所願應深衣之緼矩東毫匪腆鏤板再供

天目山人

月泉社友爰軟舊盟天目山人為題春興不勝佳

甚豈果遠而執事望邑鄰輝平齋宗泝詠牛羊茁
壯仍觀戲水之乳鸞知燕雀生成又喜巡簾之窠
蜜有餽其饀或拊而歌

安定書隱

執事昔者中庸今之安定趣確物表牛倦鳥喧景
入用中風微水滑且能慕義熙之士豈欲追正始
之音

槐窗居士

執事名稱東國越之雄句比西家施之麗浴蠶飛

燕野色搖春依犢市蛆扉陰移月暮成小景曲盡
巧心

姜仲澤

月泉里社竊雙溪明月之餘輝春日田園動白雪
陽春之絕唱云執事採撫羣言牢籠百態歸燕
忙睡牛穩頗歡顏社酒之嘗斷煙濕流水香更切
齒村莊之吠高標聳若秀句宜哉

陳柔著

月泉舊社惠徼湖海之同盟春日新題駿發田園

之雜興

方尚老

執事云云秧疇麥稜画圖巧寄于聲中社酒農書
詩史隱存于言外烏龍嶺之地靈尚矣白雲村之宗
派依然某薄云苧獻并以頽歸

朱孟翁

愛雲仙友

農圃餘年惠徼同社江湖偉士駿發高吟此五言
詩可萬人敵執事愛雲自命與世相違卧碧耕青

慣尋幽趣摘鮮嘗煮閑對芳時宛如驢上風雪詩
不帶人間煙火氣某未及識面已相知心縱有紫
磨難答綺琴之遠贈雖微白氎敢隨毛穎以前陳
輜瀆悚然鑒存幸甚

月泉吟社

回送詩賞

羅公福

讀淵明詩久識田園之趣從夫子學願為農圃之
民未敢望其下風胡遽延之上座執事雅懷月露
清思泉寒撫景興思慨唐科之不復以詩為試覲
同雅之可追竊知扶植之盛心正欲主維乎公是
某羨珠玉之在側黍糠粃之播前舊擬秋聲曾占
桐江之風景新題春日又分嫠女之星輝豈好為
朱公之變姓易名深恐蹈柳子之名聞取怒慙非

重寶俾獲與錦囊之榮賜侈香羅復喚起青衫之
夢受絲毫而皆感與筆墨以忘言謹述謝私伏祈
鑒在

司馬澄翁

品題得佳士公方司風月之盟塗抹如阿婆自咲
得田園之樂寘諸榜眼壯此詩脾執事襟韻石湖
標儀栗里腰嫌束帶寸榮不入于夢中酒無燥尊
諸公要出我門下某濁慙繡水清傍月泉借來青
之矮屋三間閑鑽故紙想環翠之卧樓百尺不合

下牀有來駢四儷六之文濫中拔十得五之選錄
其善者願為吟社之門生羅而致之景仰騷壇之
座主恩欲酬于奪錦敬少俟于摳衣

高宇

賦月泉之雜興問一得三觀詩社之題名吾十有
五鑿明叔在雨射奚工恭惟先輩墨綬銅章綸巾
羽扇樓高風月清標遠邁于隱侯春滿田園佳趣
適同于陶令吟盟足定公道以明某信手推敲何
心得失誤入品題之列有何格調之高愧甚少年

鈔本
的非老手衮衮匪稱鼎臆謂何苧細羅香寔過鄭
僑之縞帶筆精墨妙粲垂郇氏之綵箋三復以還
一忱兼謝參前未卜能照是祈


山南楚逸

橫山有吳佚老著名東萊太史之文南塘稱劉潛
夫留意盛唐諸公之作頃因月泉之續社分示石
湖之舊題有栗里輞川之風老子興復不淺無魏
野林逋之句吾黨斐然成章詎意惡詩亦占前列
既不選五色而失方枘抑且出一頭而放子瞻狎

墜華絨過勤襃衮裂綉喜朶雲之到手啓匱駭疊雪
之浮香兼有煙翰之瓊遠賁柴荆之陋旌儀侈甚
刊冊粲然勉用拜嘉豈勝街感美人贈繡段心匪
吝于卷還小奚背錦囊句尚慙于拾得未涯申謝
并冀丙融

子進

牛邊寫景敢言琢句之工龜列標名似直賞音之
誤無心得此有目榮之恭惟某春滿河陽趣高彭
澤謂六義之中有興風雅則然豈三代之後無詩



原件短缺

此页后缺

田園故在胡耶
蕨薇之采不令
葑菲之遺札墜
飛雲香不疊雪
某靦顏褒寵拜
手登嘉當春服
之成時既竭兩
端之教窺潛齋
之深處敢忘一
字之師

栗里

騷壇元帥獨主
夏盟里社晚生
謾吟春興媿無
好語漫辱賞音
敬惟執事吳下
華宗洛中耆德
因詩取友高拍
方玄英之肩下
筆如神參透范
石湖之體吟哦
不輟鑿裁尤精
某自顧濫竽敢
當褒袞香羅委
貶更蕪玄穎之
珠繡段雖華愧
乏瓊瑤之報

倪梓

山堂隱廬未醒
白木鏡之夢月
泉詩社許沾青
玉案之榮名殿
七賢才空八斗
恭惟執事吟髯
似戟笑面如靴
彭澤歸去來遂
尋壑經丘之趣
廬峰老其下拓
買田築室之規
某曾借屐于東
山且叨尊於北
海篆銘未已褒
賞謂何織縞勤
渠既出吳延陵
之賜瓣香飯向
當如陳師道之
言

全泉翁

田園將蕪穹節
羨陶翁之賦池
塘生草浪吟慙
靈

運之才品題侈甚於衮華愧醜凜乎其甲厚自大
雅不作久矣歎絕響以無聞然小子何莫學夫覺
用心之徒苦謾爾警一鳴于楚豈期次八米之盧
敬惟執事心醉六經眼空四海學探月窟吐老桂
之秋芬詞湧泉源障狂瀾之東倒小漫青雲之步
甘為綠野之遊隨柳傍花舞雩風于春莫裁雲剪
霧主吟社之夏盟妙選穿楊亦兼采菲如某者簾
上蟲刺頗學蚓鳴其聲鳴々然安知格調之別所
言平々耳何有見趣之高誰歟點朱衣之頭幸矣

